

NOTICIAS DE ACTOS

V CONFERENCIA EUROPEA DE ECONOMÍA SOCIAL SEVILLA, OUTUBRO DE 1995 CONCLUSIONES

As conclusións desta V Conferencia Europea de Economía Social foron elaboradas co criterio de recolle-las reflexións e as propostas máis globais presentadas polos relatores, sen que isto supla ás máis pormenorizadas de cada un dos grupos de traballo.

Durante tres días, máis de 700 participantes debatiron 58 ponencias coa finalidade de buscar solucións a problemas como o mantemento e a consolidación das prestacións sociais e a prevención da exclusión social, así como proponendo medidas de apoio ás políticas dirixidas á creación de emprego e ó desenvolvemento local e rexional, todo isto desde a perspectiva da Economía Social.

Tamén foron tratados temas relacionados co afortalamiento deste sector e, neste sentido, realizáronse propostas para levar ós foros institucionais da Unión Europea e ós Gobernos dos países membros, para que no deseño das políticas da competencia, do desenvolvemento dos sectores de actividade económica e do fomento do emprego se teña en conta a especificidade das empresas da Economía Social.

As conclusións que se detallan de seguido serán obxectivos a incorporar polas organizacións representativas da Economía Social nas súas diversas familias e niveis territoriais.

● A Economía Social é un instrumento esencial para a consolidación do benestar social.

As entidades e empresas que constitúen a Economía Social veñen demostrando que poden prestar servicios sociais de base ou complementarios, segundo os Estados, ós que ofrecen os Poderes Públicos e que algúns dos que veñen

sendo suministrados polos Estados poden ser xestionados eficazmente por Cooperativas, Mutualidades, Asociacións e Fundacións.

A participación democrática e activa dos propios beneficiarios nas decisións destas entidades é o elemento máis destacado das figuras xurídicas de Economía Social.

A xestión de prestacións como pensións complementarias de xubilación e de incapacidade laboral, seguro de enfermidade, asistencia á terceira idade, actuacións para a inserción social dos colectivos marxinados, etc. é realizada con éxito por entidades de Economía Social.

- A actual traslación do regulamento dos Seguros privados ós Seguros sociais mutualistas formula un problema derivado da súa distinta natureza. Por isto solicítase dos Estados a promulgación de lexislacións específicas para estas entidades de Economía Social, así como o mantemento dunha política de converxencia entre lexislacións.

- A Economía Social xoga un papel fundamental na creación de emprego nos seus aspectos cuantitativos e cualitativos.

A revolución tecnolóxica, informática e das comunicacións está posibilitando a creación de unidades empresariais de menos dimensión, nas que os traballadores están máis cualificados e comparten en maior medida as decisións da xestión. Neste cenario as empresas de Economía Social teñen un papel sobresaínte a desenvolver.

En relación a isto último, as Cooperativas de Traballo Asociado, xunto con outras empresas autoxestionarias (por exemplo as Sociedades Anónimas Laborais en España), están favorecendo a creación de empregos en réxime de autoemprego colectivo.

- É preciso que a Unión Europea e cada un dos seus Estados membros eliminen tódalas barreiras que imposibilitan que as empresas de Economía Social poidan actuar en igualdade de condicións no mercado.

As especificidades propias da economía Social, en canto á súa forma participativa de toma de decisións e ó xeito de remunerar os factores productivos, non deben de ser un inconveniente para seren consideradas no regulamento de actividades empresariais.

- Demándase a axilización dos traballos tendentes á aprobación dos Regulamentos de estatutos da Sociedade Cooperativa, Mutualidade e Asociación

Europeas, por canto a existencia dos mesmos dará pulo á creación de entidades e empresas de Economía Social de carácter transnacional.

Agora ben, tense coñecemento da existencia de diferentes formulacións entre os Estados sobre diversos aspectos do Estatuto que na actualidade está en debate, o da Sociedade Cooperativa Europea. Co obxecto de que se avance, os representantes das Organizacións da Economía Social presentes nesta Conferencia consideran que, para que o proceso sexa exitoso, debe se-lo mesmo movemento quen de pulo, desde a base, ós Estatutos da Sociedade Cooperativa, Mutualidade e Asociación Europeas e, en consecuencia, deben se-las propias Organizacións quen de analizaren os obstáculos eventuais e as diferencias nas cuestións principais para que, unha vez acadado un compromiso, transmitan ós responsables políticos unha mensaxe firme, clara e, sobre todo, uniforme.

- Cómpre ás Cooperativas, Mutualidades, Asociacións e Fundacións dispoñeren dunha plataforma de representación coherente ante a Unión Europea, e constituírense como un verdadeiro sector con capacidade de diálogo e de influencia nas políticas que lles atinxen.

Cómpre para isto potenciar e afortalar ó máximo o Comité Consultivo Europeo de Cooperativas, Mutualidades, Asociacións e Fundacións por parte de tódalas familias e organizacións que o forman, atribuíndolle unha lexitimidade e unha capacidade de representación ante a Unión Europea.

- Solicítase a incorporación de programas de fomento da Economía Social dentro das políticas de promoción de sectores de actividade económica, da PEME e do emprego que vén a desenvolve-la Unión Europea.

A D.X. XXIII debe coñecer e coordinar tódalas demandas e iniciativas formuladas ante a Comisión por parte das Organizacións de Economía Social, sen prexuízo da competencia sectorial doutras Direccións Xerais; ademais debe deseñar accións para a Economía Social en programas plurianuais que den resposta ás necesidades reais e á importancia cuantitativa e cualitativa da Economía Social. Neste sentido faise precisa a aprobación urxente do Programa plurianual (1994-1996) de traballo en favor das Cooperativas, Mutualidades, Asociacións e Fundacións, así como a preparación do futuro programa de traballo.

- O carácter diferenciado das entidades e empresas que conforman a Economía Social no que atinxe á distribución de excedentes, onde prima o servizo ou traballo aportado polos socios sobre o capital que posúan, e á prestación de servizos sociais que algunhas das súas entidades realizan haberán de tomarse en conta no tratamento fiscal.

● A cooperación empresarial na Economía Social é un obxectivo ó que debe darse unha importancia destacada. Primeiro, porque os procesos de integración empresarial son necesarios en entidades da Economía Social onde predomina o papel da PEME e, segundo, porque as características específicas que teñen fan que as alianzas entre elas sexan máis eficaces no plano operativo que de facerse con outro tipo de empresas.

Con esta orientación, débense potencia-los mecanismos de cooperación e a creación de bases de datos e redes empresariais que posibiliten este obxectivo, en concreto a Rede ARIES.

A existencia duns principios de democracia participativa dos socios destas entidades, non haberá de estar reñida coa eficacia da xestión empresarial, polo que a cooperación empresarial non haberá de limitarse ás empresas do propio sector, inda que tamén é certo que esta cooperación non debe desvirtua-los elementos que caracterizan á Economía Social.

A creación e posta en funcionamento de proxectos europeos superadores do ámbito local-nacional é esencial para o futuro das empresas e entidades da Economía Social, baixo pena de vérense abocadas a un papel residual no concerto europeo.

● Faise precisa a elaboración de programas de formación específica para o sector da Economía Social.

● A consolidación das empresas da Economía Social que se adican a prestar bens e servicios concurrindo no mercado, fai preciso que se doten de recursos económicos que, ademais dos xerados polos excedentes empresariais, procedan da captación no mercado financeiro.

A eliminación de certos prexuízos que as entidades financeiras teñen cara á Economía Social, fundamentados nun profundo descoñecemento deste sector, é un traballo que debemos seguir a facer, pero tamén cómpre á Economía Social dotarse dos seus propios instrumentos de financiamento, para os que haberá de contarse con figuras como as Cooperativas de Crédito, Caixas Rurais, Caixas de Aforros, Bancos Cooperativos, etc. e participar activamente en Sociedades de Garantía Recíproca, de Capital Risco e na constitución de fondos de inversión.

Nesta liña, proxectos como o de SOFICATRA, nunha perspectiva de cooperación financeira de ámbito internacional, poden servir para desenvolver actuacións de Economía Social de cooperación trasnacional.

● A Economía Social debe reclamar un protagonismo principal no que se denomina Europa dos Cidadáns. Este concepto baséase na capacidade dos ci-


dadáns de influír e intervir como individuos no deseño do modelo de sociedade que se constrúa en Europa en tódalas súas manifestacións nos próximos anos. Non se trata só dunha discusión sobre temas e aspectos económicos, senón que abarca a tódolos demais aspectos que conforman a sociedade: previsión social, atención á terceira idade, turismo social, lecer, cultura, etc.

Neste eido a Economía Social pode e debe xogar un papel fundamental xa que aporta fórmulas de participación cidadá e de solidariedade que poden resultar tan útiles coma necesarias. Por isto os participantes desta V Conferencia Europea de Economía Social manifestan a súa posición de que a construción de Europa non se faga só desde a perspectiva económica, senón tamén, e de xeito destacado, desde a social, e que este feito sexa tomado en conta na revisión dos Tratados da Unión Europea con ocasión da próxima Conferencia Intergubernamental que terá lugar en 1996.

Por último, os participantes desta V Conferencia Europea de Economía Social solicitan ó Comité Consultivo Europeo de Cooperativas, Mutualidades, Asociacións e Fundacións a realización das xestións oportunas para a celebración da VI Conferencia Europea de Economía Social.

ANÁLISE EMPRESARIAL

REVISTA DE
INFORMACIÓN
ECONÓMICA



Prezo da subscrición: 1.200 pts. Catro números ó ano.
O pagamento débese realizar mediante cheque ou reembolso ó
nome de: ANÁLISE EMPRESARIAL, Pi i Margal, 72 baixo.
VIGO 36202. Apdo. Correos 1331 VIGO.

SUBSCRIBIÓNS E INFORMACIÓN: Telf. (986) 29 94 48

PREZO DA SUBSCRIBIÓN: 1.200 PTAS. POR TRES NÚMEROS Ó ANO

FOLLA DE SUBSCRIBIÓN

Empresa..... Actividade..... N.I.F.
Á atención de
Rúa..... Poboación..... C.P.....
Telf. Télex Fax

FORMA DE PAGAMENTO

Acompaño cheque Nominativo n.º Banco / Caixa

Contra reembolso do primeiro exemplar recibido. Domiciliación bancaria

Moi Sres. Nosos:

Rógolle a Vds. que con cargo á miña conta n.º, fagan efectivos os recibos que lles presente anualmente UNIPRO EDITORIAL, S.A., na miña calidade de subscritor de ANÁLISE EMPRESARIAL

Banco / Caixa Axencia N.º

Poboación Provincia

Nome do titular

Sinatura

Data: de de 19.....

ASOCIACIÓN PARA A ECONOMÍA SOCIAL Campana de afiliación

Se sintes a responsabilidade de promove-lo cooperativismo,
o desenvolvemento e a prospectiva en Galicia,
Necesitamos a túa presenza e colaboración

FAITE SOCIO

Cotas (segundo o teu desexo):

* Para persoas físicas: entre 500 e 2.000 pts. trimestrais.

* Para entidades: entre 1.000 e 10.000 pts. trimestrais

Asociación para a Economía Social

Apdo. 5172 de Vigo Telf. 986-81 37 07

Meus señores:

Desexo facerme socio da Asociación para a Economía Social, cun aporte trimestral de
..... pts.

Nome..... DNI.....

Enderezo..... Teléfono.....

Razóns:

Atentamente Asdo.

Asociarse da dereito a participar nas actividades da Asociación, a estar informado do seu acontecer, a recibi-las súas publicacións e a beneficiarse da súa biblioteca, coñecementos, asesoramento e servizos.